



漢雋卷第五

顛蒼篇

顛蒼

賓戲超忽荒而踈顛蒼師古曰顛顛天也元氣顛汗故曰顛其色蒼蒼故曰蒼天

顛穹

封禪書肇自顛穹師古曰顛穹皆謂天也顛言氣顛汗也穹言形穹隆也

渾元

幽通賦渾元運物師古曰渾元天地之氣也渾音胡昆反天淵

堪輿

藝文志堪輿金匱十四卷師古曰許慎云堪天道輿地道也其泉賦屬堪輿以壁壘考張晏曰堪輿天地總名也

九天

郊祀志九天巫祠九天師古曰九天者謂中央鈞天東方

蒼天東北昊天北方玄天西北幽天西方浩天西南朱天南方
炎天東南陽天也其說見淮南子一說云東方昊天東南陽天
南方赤天西南朱天西方成天西北幽天北方玄天東北變天
中央鈞天也

九重

禮樂志九重開師古曰天有九重

九閔

又專精厲志逝九閔如淳曰閔亦陔也陔重也謂九天之

上也閔合韻音改又音亥

九閔

楊雄傳騰九閔師古曰九閔九天之門

三靈

校獵賦上獵三靈之流如淳曰三靈日月星垂象之應也

三光

文紀上以累三光之闕師古曰三光日月星也

三辰

律歷志三辰之會交矣孟康曰三辰日月星也五行志蜺

三出三已三辰除韋昭曰若從寅至辰也

泰階六符

藝文志泰階六符一卷李奇曰三台謂之泰階兩

兩成體三台故六觀色以知吉凶故曰符東方朔傳願陳泰階

六符孟康曰泰階三台也每台二星凡六星符六星之符驗也

應劭曰黃帝泰階六符經曰大階者天之三階也上階為天子

中階為諸侯公卿大夫下階為士庶人上階上星為男主下星

為女主中階上星為諸侯三公下星為卿大夫下階上星為元

士下星為庶人三階平則陰陽和風雨時社稷神祇各獲其宜

天下大安是為太平三階不平則五神乏祀日有食之水潤不浸稼穡不成冬雷夏霜百姓不寧故治道傾天子行暴令好興甲兵修宮榭廣苑囿則上階為之奄奄䟽闊也以孝武皆有此事故朔為陳之

合璧連珠

律歷志日月如合璧五星如連珠孟康曰太初上元甲子夜半朔旦冬至時七曜皆會聚斗牽牛分度夜盡如合璧連珠也

天清日宴

校獵賦於是天清日宴師古曰晏無雲

晏溫

郊祀志至中山晏溫如淳曰三輔謂日出清濟為晏晏而溫

東君

郊祀志晉巫祠東君師古曰東君日也

倒景

郊祀志登遐倒景如淳曰在日月之上反從下照故其景倒大人賦貫列缺之倒景兮張揖曰陵陽子明經曰倒景氣去地四千里其景皆倒在下也

金波

郊祀志歌月穆穆以金波師古曰月光穆穆若金之波流也

奔星

子虛賦奔星更於閨闈師古曰奔星流星也

景星

天文志天暝而見景星孟康曰有赤方氣與青方氣相連赤方中有兩黃星青方中有一黃星凡三星合為景星

歲星

天文志歲星晉灼曰太歲在四仲則歲行三宿太歲在四

孟四季則歲行二宿二八十六三四十二而行二十八宿而周

天

常宿 天文志經星常宿

靈星 郊祀志立靈星祠張晏曰龍星左角曰天田則農祥也晨

見而祭之

長星 文紀有長星出于東方文頴曰孛彗長三星其占略同然

其形象小異孛星光芒短其光四出蓬蓬孛也彗星光芒長

參參如掃彗長星光芒有一直指或竟天或十丈或三丈二丈

無常也大法孛彗星多為除舊布新火災長星多為兵革事

攬槍 大人賦攬攬槍以為旌兮張揖曰彗星為攬槍師古曰攬

音初感反槍音初衡反

招搖 反離騷招搖紀于周正應劭曰招搖斗柄星也主天時

羽林天軍 天文志虛危南有眾星曰羽林天軍宋均曰虛危

營室陰陽始終之處際會之間恒多姦邪故設羽林為軍衛

權衡 又南宮朱鳥權衡孟康曰軒轅為權太微為衡也

飛流 又彗孛飛流孟康曰飛絕迹而去也流光迹相連也

暈適背穴抱珥 又暈適背穴抱珥垂蜺孟康曰皆日旁氣

也適日之將會先有黑之變也背形如背字也穴多作鑄其形

如玉鑄也抱氣向日也珥形點黑也如淳曰暈讀曰運凡氣在

日上為冠為戴在旁直對為珥在旁如半環向日為抱向外為

背有氣刺日為鏑鏑杖傷也

重蜺

又上如淳曰蟬螭謂之重表云雄為重唯為蜺重或作虹
蜺讀曰齧

宛虹

子虛賦宛虹拖於楫軒師古曰宛虹屈曲之虹也

風伯雨師

河東賦叱風伯於南北兮呵雨師於西東

八風

禮樂志四興述代八風生師古曰八方之風謂東北曰條
風東方曰明庶風東南曰清明風南方曰景風西南曰涼風西
方曰閭闔風西北曰不周風北方曰廣莫風

還風

京房傳己丑夜有還風盡辛卯孟康曰諸卦氣以寒温不
效後九十一日為還風還風暴風也風為教令言正令還也

衡風

韓安國傳衡風之衰不能起毛羽師古曰衝風疾風之衝
突者也

飈拂

河東賦風發飈拂師古曰飈回風也必遙反

屏翳

大人賦召屏翳誅風伯刑雨師應劭曰屏翳天神使也師
古曰屏步丁反

豐隆

大人賦涉豐隆之滂溥應劭曰豐隆雷師也楚辭曰吾令
豐隆乘雲兮淮南子曰季春三月豐隆乃出以將雨師古曰豐
隆將雨故言涉也

格澤

又建格澤之脩竿兮張揖曰格澤之氣如炎火狀黃白色起地
上至天下大上銳建此氣為長竿也師古曰格胡各反澤六各反

旬始

又垂旬始以為慘兮李奇曰旬始氣如雄鷄見北斗旁

黔雷

又左玄冥而右黔雷兮張揖曰黔雷黔羸也天上造化神名也楚辭召黔羸而見之或曰水神也

沆瀣

又呼吸沆瀣兮餐朝霞應劭曰列仙傳陵陽子言春食朝霞夏食沆瀣沆瀣北方夜半氣也并天地玄黃之氣為六氣師古曰沆胡朗反瀣音登

列缺

又貫列缺之倒景兮服虔曰列缺天閃也張揖曰陵陽子明經曰列缺氣去地二千四百里

膠葛

楊雄傳擗膠葛師古曰膠葛上清之氣也王莽傳青煒登平考景以魁服虔曰煒音暉如淳曰青氣

之光輝也晉灼曰言青陽之氣始升而上以成萬物也

赤煒

又赤煒頌平

玄煒

又玄煒和平

揚眉

翟方進傳今提揚眉服虔曰提攝提星揚眉揚其芒角也

奮角

又狼奮角張晏白狼一星奮角者有芒角也狼芒角則盜賊起

膏露

鼂錯傳膏露降師古曰其露凝如膏

木介

五行志今之長老名木介為木介者甲甲兵象也

西顛沆碣

禮樂志西顛沆碣秋氣肅殺師古曰沆音胡浪反

碣首湯沆碣白氣之貌也

閭闔

禮樂志游閭闔應劭曰閭闔天門

玉臺

又觀玉臺應劭曰玉臺上帝之所居

捫天

子虛賦仰杓揅而捫天師古曰捫摸也臺榭之高有升上

之者仰攀其椽可以摸天也

指象

杜業傳以指象為言語師古曰謂天不言但以景象指意

告喻人

閉陽縱陰

董仲舒傳求雨閉諸陽縱諸陰其止雨反是師古

曰謂若閉南門禁舉火及開北門水灑人之類是也

蒙霜露沫風雨

淮南王傳高帝蒙霜露沫風雨師古曰沫

亦類字也蒙冑也沫洗面也

天閭地垠

甘泉賦天閭決兮地垠開師古曰天閭天門之閭

也垠亦開也

天動地岷

校獵賦天動地岷蘇林曰岷音岷岷動搖之岷師

古岷音五合反

天地剖判

陸賈傳自天地剖判未始有也師古曰言自開闢

以來未嘗有也

泰元媪神

禮樂志惟泰元尊媪神蕃釐李奇曰媪神地也師

古言泰元天也言天神至尊而地神多福也

際天接地

嚴助傳際天接地

隆天重地

東方朔傳隆天重地死無以塞責

參天貳地

相如傳勤思乎參天貳地

九垓八埏

封禪書上暢九垓下沂九埏孟康曰言德上達於

九重之天下流於地之八際師古曰埏本音埏合韻音弋戰反

異時篇

異時

食貨志異時算輅車師古曰異時言往時也

曩時

賈誼傳假設天下如曩時師古曰曩久也謂昔時

日者

高紀日者荆王兼有其地師古曰日者猶往日也

間者

文紀間者諸呂用事師古曰間者猶言中間之時也

迺者

元紀迺者火災

乃者

蕭何傳乃者我使諫君也師古曰乃者猶言曩者

屬者

李尋傳屬者頗有變改師古曰屬者謂近時也之欲反

鄉者

張耳傳何鄉者慕用之誠師古曰鄉讀曰嚮謂曩昔也

比歲

成紀比歲不登師古曰比頻也

間歲

食貨志間歲萬餘人師古曰間歲隔一歲

旬歲

程方進傳方進旬歲間免兩司隸師古曰旬徧也滿也旬

歲猶言歲滿也若十日之一周

間不一歲

伍被傳間不一歲師古曰中間不經歲也

比年

宣紀比年豐師古曰比頻也

往年

黥布傳往年殺韓信

異日 高紀異日師古曰異日猶言往日也

先日 鄒陽傳吾先日欲獻愚計

翌日 武紀翌日發嵩高應劭曰翌明也

曠日 賈山傳曠日十年師古曰曠空也廢也言空廢時日

旦日 又旦日合戰師古曰旦日明旦也

移日 夏侯嬰傳與高祖語未嘗不移日也田蚡傳奏事語移日

罔日 韋玄成傳退其罔日師古曰懼非所居貶退無日罔日

旋日 李尋傳不旋日而至

朝日 于定國傳數以朝日引見丞相御史師古曰五日一聽朝

故云朝日也鮑宣傳諸生朝日遮丞相言師古曰朝日謂早旦

欲入朝也

差一二日 周亞夫傳間不過差一二日師古曰謂右去行遲

止一二日也

前是 五行志前是天不見災者師古曰前是謂此時之前也

近屬 杜周傳察近屬之符驗師古曰近屬者謂漢家之事耳屬

猶言甫爾也音之欲反

屬聞 谷永傳屬聞以特進領城門兵師古曰屬近也之欲反

屬過 傅介子傳匈奴使屬過師古曰屬近也近始過去屬音之

欲反

屬耳 霍光傳將軍之廣明都郎屬耳師古曰屬耳近耳也屬音

食頃 郊祀志填皇出如瓜食頃復入

居有頃 東方朔傳居有頃聞上過

有頃 趙后傳有頃客出

居頃之 匈奴傳

居無幾 韓安國傳居無幾梁內史缺師古曰無幾未多時也幾

音居豈反

居無何 李廣傳居無何師古曰無何謂未多時也

居無幾何 匈奴傳居無幾何師古曰無幾何言無多時也

無幾 原涉傳至官無幾師古曰無幾言無多時也幾音居豈反

幾何 五行志其幾何師古曰言當幾時也

七始 禮樂志七始華始孟康曰七始天地四時人之始

四始 天文志正月旦王者歲首立春四時之始四始者候之日

三始 鮑宣傳日蝕於三始如淳曰正月一日為歲之朝月之朝

旦之朝始猶朝也

三朝 孔光傳歲之朝曰三朝師古曰歲之朝旦之朝日之朝故

曰三朝

一統 律歷志八百一十分應歷一統孟康曰十九歲為一章一

統凡八十一章

六辰 五行志蜺直而塞六辰韋昭曰六辰謂從卯至申

五子

律歷志曰有六甲辰有五子孟康曰六甲之中唯甲寅無子故有五子

參陽

翼奉傳歷中甲庚律得參陽張晏曰甲庚皆三陽晉灼曰木數三寅在東方木位之始故曰參陽也

三七

谷永傳涉三七之節紀孟康曰至平帝乃三七二百一十歲厄今已涉向其節紀

三說

翟義傳危亂漢朝以成三說服虔曰厄會也謂三七二百一十歲

陽九

律歷志易九厄曰初入元百六陽九孟康曰所謂陽九之厄百六之會者也初入元百六歲有厄者則前元之餘氣也

元之中有五陽四陰陽旱陰水九七五三皆陽數也故曰陽九

之厄

部首

律歷志魯歷不正以閏餘一之歲為部首孟康曰當以閏盡歲為部首今失正未盡一歲便以為部首也

府首

律歷志終六府首師古曰府首即部首

盛秋

李廣傳以臨右北平盛秋師古曰秋盛

隆冬

武紀迫隆冬至

正月

高紀師古曰凡此諸月號皆太初正歷之後記事者追改之非當時本稱也以十月為歲首即謂十月為正月今此真正月當時謂之四月耳

後九月

又秦二年後九月文穎曰即閏九月也時律歷廢不知

閏謂之後九月如淳曰時因秦以十月為歲首至九月則歲終

後九月即閏月師古曰文說非也若以律歷廢不知閏者則當

徑謂之十月不應有後九月蓋秦之歷法應置閏者總致之於

歲末觀其此意當取左傳所謂歸餘於終耳何以明之據漢末

改秦歷之前迄至高后文帝屢書後九月是知故然非歷廢也

期有月武紀廢期有月而民未諭如淳曰期音基自往年三月至

今年四月期有餘月矣

一月四十五日

食貨志一月得四十五日服虔曰一月之

中又得夜半為十五日凡四十五日也

驚蟄

律歷志詠管中營室十四度驚蟄注今日雨水

雨水

又降婁初奎五度雨水注今日驚蟄

穀雨

又大梁初胃七度穀雨今日清明

清明

又中昴八度清明今日穀雨

伏祠

郊祀志作伏祠孟康曰六月伏日也周時無至此乃有之

師古曰伏者謂陰氣將起迫於殘陽而未得并故為藏伏因名

伏日也立秋之後以金代火金畏於火故至庚日必伏庚金也

臘月

陳勝傳臘月莊賈殺勝張晏曰秦之臘月夏之九月臣瓚

曰建丑之月也師古曰史記云十二月涉死瓚說是也

臘

嚴延年傳母欲從延年臘師古曰建丑之月為臘祭因會飲若

今之蜡節也

伏臘

楊惲傳歲時伏臘

折膠

鼃錯傳欲立威者始於折膠蘇林曰秋氣至膠可折弓弩可用匈奴常以為候而出軍

龍虎

幽通賦伯祖歸於龍虎孟康曰晉文公歲在卯出歷十九年過一周歲在酉入卯為龍酉為虎也

日盱

張湯傳每朝奏事語國家用日盱師古曰盱晚也論事既多至於日晚盱音幹

日暮

主父偃傳吾日暮故倒行逆施之師古曰暮年齒老也反豎恐日薄於西山

日且入

霍去病傳會日且入師古曰言日欲沒也

陽鼃

狡獪賦天子迺以陽鼃始出庫玄宮師古曰陽朝日出之後也

物昕

幽通賦物昕寤而仰思兮孟康曰物昕早旦也師古曰物音忽昕音欣

物爽

郊祀志冬至物爽師古曰物爽謂日尚冥蓋未明之時也物音忽相如傳物爽闇昧得耀乎光明

遲明

高紀遲明圍宛城三市師古曰言圍城事畢然後天明遲於事故曰遲明變為去聲音文二反漢書諸言遲其事者義皆類此史記遲字作遼亦緩之義也音黎

遲旦 南粵傳遲旦城中皆降

先平明 叔孫通傳先平明師古曰未平明之前

白晝 賈誼傳白晝天都之中師古曰白晝晝日也言白者謂不

陰晦也

薄暮 呂后紀終日春薄暮

舖時 高后紀日舖時

宿夜 哀紀宿夜憂勞

夜過半 陳湯傳夜過半人乘城

西征 悼李夫人賦超兮西征師古曰以日為喻故言西征

上宿 郊祀志常以十月上宿郊見李奇曰上宿上齊戒也

景靡 王褒傳忽如景靡師古曰景靡者如光景之徙靡也

須臾 韓信傳得須臾至今費山傳願少須臾無死司馬遷傳卒

卒無須臾之間

須搖 禮樂志神奄留臨須搖晉灼曰須搖須臾也

轉旋 許后傳轉旋且索師古曰轉旋言須臾之間

轉漏 王莽傳轉漏之間

淹速 賈誼傳淹速之度師古曰淹遲也

迎日 郊祀志皇帝迎日推策臣瓚曰日月朔望未來而推之故

曰迎日

勝日 又以勝日如淳曰如火勝金用丙丁日不用庚辛也

今日

韋玄成傳即以今日師古曰令善也謂吉日也

便時

王后傳便時上林延壽門師古曰取時日之便也

昭時

終軍傳宜因昭時今日師古曰昭明也

靈辰

甘泉賦麻吉日協靈辰師古曰歷選吉日而合善時也

標季

谷永傳當陽數之標季孟康曰陽九之末季也

窮宙

幽通賦通窮宙而達幽應劭曰往古來今日宙聖人極古

今通幽微也

終今

兩輿傳終今以來通使如故師古曰從今通使至於終久

故云終今以來也

靡旃

長楊賦日未靡旃師古曰未靡旃不移景也

白駒過隙

魏豹傳人生一世間如白駒過隙師古曰言其速

疾也白駒謂日景也隙壁際也張良傳如白駒之過隙

億載

長楊賦規億載恢帝業

生平

張耳傳生平聞其餘賢

平生

王章傳平生獄上呼囚張晏曰平生先時也

晚節

田蚡傳及孝皇晚節師古曰晚節猶末時也

末路

鄒陽傳晚節末路

春秋長

劉澤傳太后春秋長師古曰言年老

春秋高

蘇武傳陛下春秋高

春秋富

高五王傳皇帝春秋富師古曰言年幼也比之於財方

未置竭故謂之富曹參悼惠王富於春秋

鼎盛 賈誼傳春秋鼎盛應劭曰鼎方也

年穉 鈞弋傳以其年穉母少

齒載 孔光傳大馬齒載師古曰載老也讀與耄同

朝暮人 楊惲傳大僕定有死罪數事朝暮人也師古曰言不久

活也

旦暮死 張耳傳今王與耳旦暮死

時時 酈食其傳時時問邑中賢豪張良傳時時從漢陸賈時時

前說稱詩書

日日 賈山傳直與之日日射獵鄧通傳尊幸之日日異

同年而語 過秦論比權量力不可同年而語

同日而論 王莽傳豈特與若亡者同日而論哉

同日道 張耳傳臣之與主豈可同日道哉

分卦直日 京房傳分六十四卦更直日用事孟康曰分卦直

日之法一爻主一六十四卦為三百六十日餘四卦震離兌坎為

太伯監司之官所以用震離兌坎者是二至二分用事之日又

是四時各專主之氣各卦主時其占法各以其日觀其善惡也

建元 武紀建元元年師古曰自古帝王未有年號始起於此

太初 又太初元年應劭曰初用夏正以正月為歲首故改年為

太初

五部

律歷志起五部應劭曰五部金木水火土也

五勝

又頗推五勝孟康曰五行自勝秦以周為火用水勝之

痺熱

嚴助傳南方暑溼近夏痺熱師古曰痺黃病者丁幹反

必慧

賈誼傳日中必慧孟康曰慧音衛暴慧也師古曰慧謂暴

晒之也

宇內篇

宇內

武紀嘉與宇內之士師古曰天地四方為宇

方內

嚴助傳方內無狗吠之警師古曰方內中國四方之內也

方外

元紀方外蒙澤

函夏

河東賦以函夏之大漢兮師古曰函包容也讀與含同

諸夏

刑運志內尊天子以安諸夏師古曰諸夏中國之諸侯也

夏天也言大於四夷

上方

翼奉傳上方之情樂也孟康曰上方謂北與東也陽氣所

萌生故為上

下方

又下方之情哀也孟康曰下方謂南與西也陰氣所萌生

故為下

萬區

地理志得百里之國萬區故稱萬國

八區

楊雄傳咸營于八區師古曰八區八方也

八紘

又燭六合耀八紘師古曰八紘八方之綱維也

八埏

封禪書下泝八埏孟康曰埏地之八際也言德下流於地

卷五
之八際師古曰埏本音延合韵音弋戰反

八方 相如傳八方之外師古曰四方四維謂之八方

八荒 過秦論并吞八荒師古曰八荒八方荒忽極遠之地也

六合 相如傳六合之內師古曰天地四方謂之六合

六幕 禮樂志紛云六幕浮大海師古曰六幕猶言六合也

四極 又四極爰轅師古曰四極四方極遠之處也

四表 蕭望之傳光被四表師古曰四表四海之外

四鄰 禮樂志包四鄰師古曰四鄰四方

十二州 地理志天下分絕為十二州師古曰九州之外有并

州幽州警州故曰十二州水中可居者曰州洪水流大各就高

陸之所居凡十二處

八鎮 校獵賦戲八鎮而開關應劭曰四方四隅為八鎮如淳曰

不言九者一鎮在中天子居之故也

輿地 淮南王傳按輿地圖蘇林曰輿猶尺載之意

從衡 刑法志合從連衡師古曰衡橫也戰國時齊楚韓魏燕趙

為從秦國為衡從音子容反謂其地形南北從長也秦地形東

西橫長故為衡也

內郡 成紀詔內郡舉賢良方正師古曰內郡謂非邊郡

旁郡 黥布傳陰令人部聚兵候伺旁郡警急

支郡 鼂錯傳削其支郡師古曰支郡在國之四邊者也

比郡

嚴延年傳及比郡為守師古曰比接近也音頓二反

闔郡

武紀闔郡不薦一人師古曰闔閉也總一郡之中故云闔

郡

股肱郡

季布傳河東吾股肱郡

天下喉咽

嚴延年傳河南天下喉咽師古曰喉咽言其所在

襟要如人體之有喉咽也咽一千反

方制

地理志方制萬里師古曰方制制為方域也

形制

酈食其傳示諸侯形制之勢師古曰以地形而制服

提封

刑法志提封萬井李奇曰提舉也舉四封之內也匡衡傳

樂安鄉本提封三千二百頃師古曰提封舉其封界內之總數

規土

武五子傳規土連城師古曰規畫也

都會

地理志宛西通武關東受江淮一都之會也又吳亦江東

之一都會也

天府

張良傳天府之國師古曰財物所聚謂之府言關中之地

物產饒多可備贍給故稱天府也

斥境

地理志開地斥境

窮里

趙廣漢傳會窮里空舍師古曰窮里里中之極隱處

製里

鼂錯傳製里割宅

里所

張良傳父去里所復還師古曰行一里許而還

戚里

石奮傳徙其家長安戚里師古曰於上有姻戚者則皆居

之故名其里為戚里

陵里 又徙居陵里師古曰茂陵邑中之里

五陵 原涉傳諸豪及長安五陵諸為氣節者皆歸慕之師古曰

五陵謂長陵安陵陽陵茂陵平陵也班固西都賦曰南望杜霸北眺五陵是知霸陵杜陵非此五陵之數也而說者以為高祖以下至茂陵為五陵失其本意

縣道 文紀請令縣道師古曰或縣或道有蠻夷曰道

鄙小縣 韓安國傳帥以媿鄙小縣師古曰鄙小縣言在外鄙

之小縣也

下縣 文翁傳招下縣子弟師古曰下縣四郊之縣非郡所治也

國邑 百官表列侯所食縣曰國皇太后皇后公主所食曰邑有

蠻夷曰道

鄉聚 平紀鄉曰庠聚曰序師古曰聚小於鄉五行志雨壞鄉聚

民舍

市井 貨殖傳商相與語財利於市井師古曰凡言市井者市交

易之處井共汲之所故總而言之也說者云因井而為市其義

非也

接比 地理志吳粵與楚接比師古曰比近也音頻寐反

比境 諸侯王表諸侯比境師古曰比相接次也比音頻寐反

地比 會貨志南陽漢中以往各以地比師古曰地比謂依驂歛

近及遠也比音類錄反

同壤

孫寶傳幸同土壤

接壤

武紀兩國接壤

壤斷

溝洫志水絕壤斷

反壤

又有埴淤反壤之害師古曰反壤者水塞不通故令其土

壤反還也

縣隔

高紀帶河阻山縣隔十里應劭曰言河山之險與諸侯相縣隔

絕千里也李斐曰河山之險天下於秦縣隔千里也師古曰李應得之

要害

西南夷傳調穀積要言處師古曰要害者任我為要於敵

為害也

醜地

項籍傳盡王故王於醜地師古曰醜惡也

易地

鼂錯傳平原易地師古曰易亦平也

地著

食貨志理民之道地著為本師古曰地著謂安土也音直

略反

土著

張騫傳其俗土著師古曰土著者謂有城郭常居不隨畜

牧移徙也著音直略反

客土

成紀客土疏惡服虔曰取他處土以增高為客土也

康衢

賓戲賓戚激聲於康衢鄭氏曰五達曰康四達曰衢

孔道

西域傳辟在西南不當孔道師古曰孔道者穿山險而為

道猶今言穴徑耳

間道 高紀從間道走軍師古曰間空也投空隙而行不公顯也

棧道 又燒絕棧道師古曰棧即閣也今謂之閣道

復道 又從復道上如淳曰復音復上下有道故謂之復

甬道 又築甬道屬河應劭曰恐敵鈔輜重故築垣墻如街巷也

子午道 王莽傳莽以皇后有子孫瑞通子午道張晏曰時年十

四始有婦人之道也子水午火也水以天一為牡火以地二為

牝故火為水妃今通子午以協之師古曰子北方也午南方也

言通南北道相當故謂之子午耳今京城直南山有谷通梁漢

道者名子午谷又宜州西界慶州東界有山名子午嶺計南北

直相當此則北山者是子南山者是午共為子午道

間路 韓信傳從間路絕其輜重師古曰間路微路也

路陂 禮樂志漚路陂師古曰路陂路傍

間巷 韓王信傳陛下擢僕間巷

間閭 表間閭偏於戎狄師古曰間里門也閭里中門也

間左 食貨志發間左之戍應劭曰秦時以適發之名適戍先發

吏有過及贅壻賈人後以嘗有市籍者發又後以大父母父母

嘗有市籍者戍者曹輩盡復入間取其左發之未及取右而秦

亡師古曰間里門也言居在里門之左者一切發之

立錐 張良傳無立錐之地

容車之地 鄒陽傳梁王願賜容車之地

四通五達

酈食其傳陳留天下之衝四通五達之郊也如淳曰四面往來通之并數中央凡五達也臣瓚曰四通五達言無險阻也

四分五裂

鄒陽傳此四分五裂之國張晏曰四方受敵濟北居中央為五晉灼曰四分即交五而裂如田字也

四分五剖

楊雄傳四分五剖並為戰國晉灼曰道其分離之意

天漢

蕭何傳語曰天漢其稱甚美孟康曰言地之有漢若天之有河漢臣瓚曰流俗語曰天漢其言常以漢配天此美名也師古曰瓚說是也天漢河漢也

全晉

地理志自全晉時

新秦

食貨志徙貧民充朔方以南新秦中應劭曰秦始皇遣蒙恬攘卻匈奴得其河南造陽之北千里地甚好於是築為城郭徙民充之名曰新秦四方雜錯奢儉不同今俗名新富貴者為新秦由是名也

新豐

地理志新豐秦曰驪邑應劭曰太上皇思東歸於是高祖改築城寺街里以象豐徙豐民以實之故號新豐

閩粵

高紀今以為閩粵王師古曰閩越今泉州建安是其地也其人本蛇種故其字從虫虫音許尾反

牂柯

地理志牂柯郡師古曰牂柯係船杙也華陽國志云楚頃

襄王時遣莊躄伐夜郎軍至且蘭椽舩於岸而步戰既滅夜郎
以且蘭有椽舩祥柯處乃改其名爲祥柯杙音弋

頓丘 地理志頓丘師古曰以丘名縣也丘一成爲頓丘謂一頓
而成也或曰成重也一重之丘也

會稽 司馬遷傳上會稽師古曰會稽山名本茅山也禹於此會
諸侯之許因名曰會稽

馬邑 地理志馬邑師古曰晉太康地記云秦時建此城輒崩不
成有馬周旋馳走反覆父老異之因依以築城遂名爲馬邑

北假 元紀北假田官晉灼曰北假地名
地理志盟津師古曰盟讀曰孟都道所湊故號孟津孟長

大也

湯沐邑 高紀以沛爲朕湯沐邑師古曰凡言湯沐邑者謂以
其賦稅供湯沐之具也

采地 刑法志卿大夫采地師古曰采官也因官食地故曰采地
說者不曉采地之義因謂菜地云以種菜非也

比地 天文志狼比地有大星曰南極老人晉灼曰比地近地也
亡厓 校獵賦西暢亡厓

河山篇

河山之陽 司馬遷傳耕牧河山之陽師古曰河之北山之南
也

山陽陰道

郊祀志上自泰山陽從陰道下師古曰山南曰陽

山北曰陰

被山帶河

姜敬傳秦地被山帶河

探巖排碕

校獵賦探巖排碕薄索蛟螭師古曰巖水岸欹巖

之處也碕曲岸也鉅依反

四隕山

項籍傳因四隕山孟康曰四下隕陲也

祁連山

霍去病傳至祁連師古曰祁連山即天山也匈奴呼天

為祁連祁音上夷反

三峩

校獵賦虎路三峩師古曰三峩三峩聚之山也

九嶷

武紀望祀虞舜于九嶷師古曰嶷音疑其山九峩形勢相

侶故曰九嶷山

五領

張耳傳南有五領之成師古曰領者西自衡山之南東窮

于海一山之限耳而別標名則有五焉裴氏廣州記云大庾始

安臨賀桂陽揭陽是為五領鄧德嗣南康記曰大庾領一也桂

陽騎田領二也九真都龐領三也臨賀萌渚領四也始安越城

領五也師古曰裴說是也

上領

溝洫志開大河上領晉灼曰上領山頭也

山隅

長楊賦列萬騎於山隅

山陲

郊祀志禪泰山下陲東北肅然山師古曰陲者山之基足

音止

瀕山 溝洫志趙魏瀕山師古曰瀕山猶言以山為邊界也

陂山 又陂山通道師古曰陂山因山之形也音彼義反一曰陂

山過山之流以為陂也音彼皮反

山椒 悼李賦釋輿馬於山椒也孟康曰山椒山陵也

巖突 子虛賦巖突洞房師古曰於巖穴底為室若電突然潛通

臺上

堆埼 子虛賦激堆埼張揖曰埼曲岸頭也師古曰堆高阜也埼

音巨依皮

林莽 長楊賦羅千乘於林莽師古曰草平曰莽

林薄 甘泉賦列新雉於林薄師古曰草叢生曰薄

介丘 相如傳以登介丘服虔曰介大也丘山也言登太山封禪

夷峻 子虛賦夷峻築堂師古曰夷平也山之高聚者峻言平山

而築堂於其上峻予公反

郊藪 公孫弘傳麟鳳在郊藪師古曰邑外謂之郊澤無水曰藪

郊 汲黯傳淮陽楚地之郊師古曰郊謂交道衝要之處也

崇藪竇澤 五行志不崇藪不竇澤師古曰崇聚也藪謂澤之

無水者竇穴也

衍沃原隰 貨殖傳辨其土地川澤丘陵衍沃原隰之宜師古

曰衍謂地延者也沃水之所灌沃也庸平曰原下濕曰隰

溪谷 子虛賦振溪通谷張揖曰水注川曰溪注溪曰谷

勃解

子虛賦浮勃解師古曰勃解海別枝也

潢洿

會貨志寒山原為潢洿師古曰潢洿停水也潢音黃洿音

一胡反

汙澤

溝洫志陂障卑下以為汙澤師古曰停水曰汙音一胡反

經川

鼂錯傳經川丘阜師古曰經川常流之水也

洪原

相如傳乃堙洪原

皇波

反騷超既離虜皇波晉灼曰皇大也師古曰言其先祖所

居經河及江也河江四瀆之水故云大波也

潏波

溝洫志左右潏波寬緩而不迫

隄州

哀二世賦臨曲江之隄州師古曰曲江頭曰隄隄即埒

潰出

字耳言臨曲岸之洲今猶謂其處曰曲江隄音鉅依反

文紀山崩大水潰出師古曰旁決曰潰上湧曰出

八藪

嚴助傳八藪為囿師古曰八藪謂魯有大野晉有大陸秦

有揚汙宋有孟諸楚有雲夢吳越之間有具區齊有海隅鄭有

圃田

八川

子虛賦蕩蕩乎八川分流師古曰霸產涇渭澧鎬潦漓是

為八川潦音牢

九淵

賈誼傳襲九淵之神龍考師古曰九淵九旋之川言至深

也

九河

地理志九河既道師古曰徒駭太史馬頰覆繡胡蘇簡絜

鈞般島津是曰九淵

五河

大人賦碣度九江越五河師古曰服晉說五河皆非也五河五色之河也仙經說有紫碧綠青黃之河非謂九河之內亦非五湖也

四瀆

郊祀志四瀆視諸侯師古曰江河淮濟為四瀆瀆者發源而注海者也

六輔

見寬傳秦開六輔渠韋昭曰六輔謂京兆馮翊扶風河東河南河內也師古曰非也溝洫志云寬秦穿六輔渠益溉鄭國旁高仰之田此則於鄭國渠上流南岸更開六輔小渠以六輔助溉灌其雍州雲陽三原兩縣界此渠尚有鄉人名曰六渠

亦號輔渠故河渠書云關內則輔渠靈朝是也馬說二河之地哉

三泉

賈山傳下徹三泉鮑宣傳退入三泉死亡所恨師古曰三重之泉言其深也

枕江

嚴助傳北枕大江師古曰枕臨也

波河

西域傳旁南山北波河師古曰波河循河也波音彼義反

瀕河

成紀行舉瀕河之郡師古曰瀕水崖也瀕河言傍河也瀕

音頻又音賓河音步浪反

濱海

石奮傳歷山濱海師古曰濱海者循海涯而行也

負海

五行志負海至北邊師古曰負海猶言背海也又負海之

環水

高紀章邯復振守濮陽環水文穎曰決水以自環守為固

也師古曰環音官反

環隄

翟義傳槐里環隄師古曰環曲之隄

絕河

高紀絕河津師古曰直度曰絕

涉河

黠布傳使布先涉河師古曰涉謂無舟楫而渡也

徑澤

高紀夜徑澤中師古曰徑小道也言從小道而行於澤中

過

趨浥

子虛賦踰波趨浥郭璞曰浥衣陷也師古曰浥音乙業反

下瀨

又涖涖下瀨師古曰瀨疾流也

批巖

又批巖衝維師古曰批反擊也言水觸批崖批音步結

反

臨坻

又臨坻注壑師古曰坻謂水中隆高處也終南詩曰死在

水中坻坻音遲

跳沫

又馳波跳沫師古曰言水波急馳而白沫跳起汨潏然也

負郭

陳平傳家乃負郭窮巷師古曰負謂倚也

壟上

陳勝傳輟耕之壟上師古曰壟上謂田中之高處

鴻中

田橫傳入海居鴻中韋昭曰海中山曰鴻師古曰音丁老

反

雕上

武紀立后土祠于汾陰雕上蘇林曰雕音誰師古曰雕者

以其形高起如人尻臚故以名云一說此臨汾水之上地本名
鄉音與葵同彼鄉人呼葵音如誰故轉而為臚字耳故漢舊儀
云葵上

江臯 賈山傳江臯河瀕李奇曰臯水邊淤地也

岸脅 五行志旁着岸脅

江潭 反騷因江潭而淮記蘇林曰潭水邊也師古曰音尋

井眉 陳邁傳居井之眉師古曰眉井邊地若人目上之有眉

商頰 溝洫志引洛水至商頰下師古曰商頰商山之頰也謂之

頰者譬人之額頰也亦猶山頰象人之頸頰

海瀕 雋不疑傳竊大海瀕

水隤 又水隤以絕商頰師古曰下流曰隤

水維 又久不反方水維緩師古曰水維水之綱維也

水門 又為石隄多張水門如淳曰言作水門通水流不為害也

隄激 溝洫志為石隄激師古曰激者聚石於隄旁衝要之處所

以激去其水

醴渠 溝洫志迺醴二渠以引其河子康曰醴分也師古曰渠音

山支反

石蓄 溝洫志隤林竹方捷石蓄師古曰石蓄者謂重石立之然

後以土就填塞也蓄亦聿蓄音側其反

捷 又負新實決河下淇園之竹以為捷如淳曰樹竹塞水決之口

稍稍布種接之水稍弱捕令密謂之捷以草塞其中乃以土填之有石以石為之師古曰捷音其復反

金隄

子虛賦上金隄師古曰金隄言水之隄塘堅如金也

金城湯池

蒯通傳皆為金城湯池師古曰金以喻堅湯喻沸

熱不可近

湯谷

子虛賦右以湯谷為界師古曰湯谷日所出也許慎云熱

如湯也

浙江

項籍傳東游會稽度浙江晉灼曰江水至會稽山陰為浙

汗

徒駭

溝洫志九河之名有徒駭胡蘇萬津師古曰徒駭者言禹

治此河用功極衆故人徒驚駭也

陽曲

地理志陽曲應劭曰河千里一曲當其陽故曰陽曲

上游

項籍傳古之王者地方千里必居上游文穎曰居水之上

流也游或作流師古曰游即流也匈奴傳或言匈奴從上流來厭

人服虔曰游流也河水從西北來故曰上游也師古曰上游亦

總謂地形耳不必係於河水也

碣石

武紀至碣石文穎曰此石著海旁師古曰碣然特立之貌

也

椽藥

甘泉賦登椽藥而翊天門兮服虔曰椽藥甘泉南山也

昆鄰

校獵賦東延昆鄰師古曰昆明池邊也

廊行 郊祀志夢黃蛇其口止於廊行李奇曰廊音字三輔謂山

阪間為行

夷陸 子虛賦散渙夷陸師古曰夷平也廣平曰陸

臯陸 郊祀志河溢臯陸師古曰臯水旁地廣平曰陸言水汎溢

自臯及陸

滔陸 石倉傳河水滔陸晉灼曰滔漫也師古曰高平曰陸

陸海 地理志秦地號稱陸海師古曰言其地高陸而饒物產如

海之無所不出故云陸海東方朔傳所謂天下陸海之地師古

曰高平曰陸關中地高故稱陸耳海者萬物所出言關中山川

物產饒富是以謂之陸海也

膏腴 地理志為九州膏腴師古曰腴之下肥曰腴故取諭云田

蚡傳田園極膏腴師古曰膏腴謂肥厚之處谷永傳食膏腴之

之都

磽陿 景紀郡國或磽陿無所農桑穀畜師古曰磽謂磽埴瘠薄

也陿謂褊隘也

陿院 刑法志其生民陿院師古曰陿地小也隘險固也

院陿 周亞夫傳必置間人於殺龜院陿之間

迫院 溝洫志河再西三東迫院如此

院隘 諸侯王表院隘河洛之間應劭曰院者狹也隘者踦蹶也

踦蹶不安也師古曰院音於懈反隘音區

陜中

趙充國傳遣騎候四望陜中亡虜師古曰山峭而夾水曰

陜四望陜名陜音狹

後隧

貨殖傳矰弋不於後隧師古曰後隧徑道也後音奚

徑易

溝洫志至河三百餘里徑易師古曰徑直也易音弋豉反

回遠

食貨志渭漕回遠師古曰回曲繞也音胡內反

斗入

郊祀志盛山斗入海師古曰斗絕也

斗碎

匈奴傳漢亦弃上谷之斗碎縣造陽地以予胡孟康曰縣

斗碎曲近胡師古曰斗絕也縣之斗曲入匈奴界者其中造陽

地也辟讀曰僻

股引

溝洫志諸渠皆徃徃股引取之如淳曰股支別也

逆折

子虛賦橫流逆折

烏鹵

溝洫志終古烏鹵方生稻梁師古曰烏即斥鹵也謂鹹鹵

之地

澤鹵

主父偃傳地固澤不五穀師古曰地多沮澤而鹹鹵

沈斥

刑法志除山川沈斥師古曰沈謂居深水之下也斥鹹鹵

之地

句廉

趙充國傳入鮮水北句廉上服虔曰句音鉤師古曰句廉

謂水岸曲而有廉稜也

廉

賈誼傳廉遠地則堂高師古曰廉側隅也

墺地

食貨志曰其宮墺地師古曰墺餘也宮墺地謂外垣之內

內垣之外也塽音而緣反

廟塽

鼂錯傳內史府居太上廟塽中師古曰塽者內垣之外游

地也

谷汲

地理志山居谷汲

亭居

西域傳其水亭居冬夏不增減

桃華水

溝洫志來春桃華水盛師古曰月令仲春之月始雨水

桃華蓋桃方華時既有雨水山谷水泮泉流裊集波瀾盛長故

謂之桃華水而韓詩傳云三月桃華水

疆易

食貨志瓜瓠果菰殖於疆易張晏曰至此易主故曰易

苑囿園

高紀故秦苑囿園池令民得田之師古曰養鳥獸曰

苑苑有垣曰園所以種植謂之園

胡苑

張良傳北有胡苑之利師古曰北與胡相接之地可以畜

牧者也養禽獸謂之苑

溝洫

志應劭曰溝廣四尺深四尺洫廣深倍於溝

截薛

子虛賦九峻截薛師古曰截薛山即今所謂差峩山也在

三原縣西也截音截薛音齧截薛又音在割五割反

解谷

律歷志取竹之解谷孟康曰解脫也谷竹溝也取竹之脫

無溝節者也一說昆侖之北谷名也晉灼曰谷名是也

灑沈

相如傳灑沈澹災師古曰灑分也沈深也言分散其深水

以安其災灑音所宜反

臨廁

劉向傳居霸陵北臨廁服虔曰廁側近水也李奇曰霸陵山北頭臨近霸水帝登其上以遠望也

決莽

子虛賦過乎決莽之壘張揖曰山海經所謂大荒之野也

湮塞

石奮傳河水滔陸弗能湮塞師古曰湮填也音因

崩池

劉向傳山陵崩池師古曰池下頽也音丈爾反

東崖

息夫躬傳狂夫嗥諱於東崖師古曰東崖謂東海之邊也

西邸

地理志北際鳥丸夫餘如淳曰北際也

北際

枚乘傳不如朝夕之池蘇林曰吳以海水朝夕為

朝夕之池

池也

環城

陳湯傳四面環城師古曰環繞也音患

襄城

五行志宋中幾不襄城師古曰襄城謂以差次受功賦也

反城

王莽傳索盧恢等舉兵反城師古曰反城據城以反也一曰反音幡今語賊猶曰幡城

乘城

高紀堅守乘城師古曰乘登也謂上城而守也

嬰城

蒯通傳嬰城固守孟康曰嬰以城自繞

薄城

陳湯傳湯令軍皆薄城下師古曰薄迫也

城守

高紀閉城城守師古曰守者守其城也守音狩

乘塞 高紀興關中卒乘邊塞師古曰乘登也登而守之

嶮塞 削通傳銳氣挫於嶮塞

距險 高紀秦兵尚衆距險師古曰依險阻而自固以距敵

鑿空 張騫傳鑿空蘇林曰鑿開也空通也騫始開通西域道也

師古曰空孔也猶言始鑿其孔穴也故此下言當空道而西域

傳謂孔道也

疆外篇

疆外 匡衡傳淑問揚乎疆外

徼外 鄧通傳盜出徼外鑄錢師古曰徼猶塞也東北謂之塞西

南為之徼塞者以障塞為名徼者取徼遮之義也徼音工鈞反

塞徼亭隧 匈奴傳建塞徼起亭隧師古曰隧謂深開小道而

行避敵鈔寇也

亭徼 會貨志或千里無亭徼晉灼曰徼塞也相如傳至牂柯為

徼張揖曰徼謂以木石水為界者也師古曰徼音工鈞反

亭障 武紀匈奴壞光祿諸亭障師古曰漢制每塞要處別築為

城置人鎮守謂之候城此即障也

邊垂 武紀親省邊垂

三垂 表周市三垂師古曰三垂謂北東南也

四荒 文紀四荒之外師古曰戎狄荒服故曰四荒言其荒勿去

來無常也

四貉

禮樂志四貉咸服師古曰四貉猶言四夷

九戎

反騷鬻九戎而索賴

外蠻

鄭吉傳拊循外蠻師古曰禮云東夷北狄西戎南蠻然夷蠻戎狄亦四方之總稱耳故史傳又云百蠻也

遐夷

王褒傳遐夷貢獻

遐狄

禮樂志遐狄合處師古曰遐狄遠夷也遐即遐字

畎夷

匈奴傳西北昌伐畎夷師古曰畎夷即畎戎也又曰昆夷

昆字或作混字或作緄二字並音工本反昆緄畎聲相近耳亦曰大戎也山海經云黃帝生苗龍苗龍生融吾生弄明生白大矣大有二牝牝是為大戎許氏說文解字曰赤狄本大種也故

字從大

鳥夷

地理志鳥夷皮服師古曰此東北之夷搏取鳥獸食其肉而衣其皮也一說居在海曲被服容止皆象鳥也

畎戎

五行志申候與緄西畎戎師古曰畎戎即大戎亦曰昆夷

句吳

地理志荆蠻歸之號曰句吳師古曰句音鉤夷俗語發聲也亦猶越為于越也

于越

貨殖傳猶戎翟之與于越孟康曰于越南方越名師古曰于發語聲戎蠻之語則然

百粵

高紀百粵之兵服虔曰非一種若今言百蠻也

葷允

霍去病傳所獲葷允之士服虔曰葷允重蠻也堯時曰熏

鬻周曰儉允秦曰匈奴師古曰董字與薰同

月蝓

長楊賦西厭月蝓服虔曰蝓音窰月蝓月所生也

日域

又東震日域師古曰日域日初出之處也

遐方

疏俗殊鄰絕黨 長楊賦遐方疏俗殊鄰絕黨之

域師古曰疏亦遠也鄰邑也

絕國

武紀使絕國師古曰絕遠之國謂聲教之外

絕幕

武紀衛青將六將軍絕幕應劭曰幕沙幕匈奴之南界臣

瓚白沙土曰幕直度曰絕

款塞

宣紀百蠻鄉風款塞來享應劭曰款叩也

馳義

陳湯傳呼韓邪單于鄉風馳義師古曰馳義慕義馳而

來也

裨王

衛青傳得右賢裨王十餘人師古曰裨王小王也若言裨

將也

屬國

霍去病傳分處降者於河南因其故俗為屬國師古曰不

改其本國之俗而屬於漢故號屬國

橐街

陳湯傳宜縣頭橐街蠻夷邸問師古曰橐街街名蠻夷邸

在此街也

區脫

蘇武傳區脫捕得雲中生口服虔曰區脫土室胡兒所作

以候漢者也李奇曰匈奴邊境羅落守衛官也晉灼曰匈奴傳

東胡與匈奴間有空地千餘里各居其邊為區脫又云漢得區

脫王發人民屯區脫以備漢此為因邊境以為官李說是也師古曰匈奴邊境為侯望之室服說是也本非官號區脫王者以其所部居區脫之處因呼之耳李晉一說皆失之區讀與甌同穹廬匈奴傳匈奴父子同穹廬師古曰穹廬旃帳也其形穹隆故曰穹廬

關氏 韓王信傳使人厚遺關氏師古曰關氏匈奴單于之妻也

關音於連反氏音支

一鄣 張湯傳居一鄣間師古曰鄣謂塞上要險之處別築為城

因置吏士而為鄣蔽以扞寇也

乘障 又迺遣山乘障師古曰乘登也登而守之

被邊 韓王信傳國被邊師古曰被猶帶也

雄邊 叙傳以財雄邊師古曰以多財為邊地之雄豪

滇池 西南夷傳至滇池方三百里師古曰華陽國志云澤下流

淺狹狀如倒池故曰滇池

弱水 西域傳條支有弱水師古曰玄中記云崑崙之弱水鴻毛

不能起也

龍堆 匈奴傳踰白龍堆孟康曰龍堆形如土龍身無頭有尾高

大者二三丈埤者丈餘皆東北向相似也在西域中

蔥嶺 西則限以蔥嶺師古曰西河舊事云蔥嶺其山高大上悉

生蔥故以名焉

榆塞

衛青傳案榆谿舊塞

閼風

大人賦登閼風而遙集兮張揖曰閼風山在豈比崙閼闔之

中師古曰閼音浪

漢雋卷第五

